



GIG
CYMRU
NHS
WALES

Addysg a Gwellu Iechyd
Cymru (AaGIC)
Health Education and
Improvement Wales (HEIW)

Adran Ddeintyddol Ôl-raddedig

CWRS TYSTYSGRIF NEBDN ÔL-GOFRESTRU

Tystysgrif NEBDN mewn Nyrsio Deintyddol Gofal Arbennig

Mae'r cwrs hwn ar gyfer nyrsys deintyddol cofrestredig a chymwys sy'n ymdrin â chleifion gofal arbennig, sydd ag indemniad priodol ar waith ac sy'n dymuno ehangu eu gwybodaeth am y maes arbenigol hwn.

Yn ogystal â mynychu sesiynau astudio gorfodol ar-lein (tua dau y mis), bydd angen i nyrsys deintyddol gwblhau **Cofnod Cymhwysedd** (RoC) NEBDN electronig cyn cael eu cofrestru ar gyfer arholiad NEBDN.

Bydd y Cofnod Cymhwysedd yn cynnwys y canlynol:

o **Rhan A: Taflenni Asesu Cymhwysedd Ymarferol (PACS)**

Mae'r rhain yn darparu tystiolaeth o gyfranogiad yr ymgeisydd yng ngofal iechyd y geg **20** o gleifion y mae angen deintyddiaeth gofal arbennig arnynt, gan gynnwys:

- 2 berson ag anabledd dysgu
- 2 berson ag amhariad corfforol
- 2 berson â chyflyrau sy'n datblygu yn ystod plentyndod
(e.e. syndrom X bregus, parllys yr ymennydd, syndrom Down)
- 2 berson ag anabledd sy'n datblygu mewn oedolion
(e.e. cyflyrau cyhyrsgerberbydol, cyflyrau niwrolegol)
- 2 berson â salwch meddwl
(e.e. iselder, anorecsia, anhwylder deubegynol)
- 2 berson â chyflyrau meddygol gwanychol
(e.e. clefydau anadlol, diabetes mellitus, clefydau cardiofasgwlaidd)
- 2 berson o blith y boblogaeth oedolion hŷn / sy'n heneiddio
(e.e. clefyd Parkinson, dementia yn ei amrywiol ffurfiau)
- 2 berson sy'n cael triniaeth ddeintyddol gofal arbennig drwy ofal cartref neu dawelyddu ymwybodol neu anesthesia cyffredinol
- 4 o bobl sydd angen deintyddiaeth gofal arbennig.

- **Rhan B: 1 Astudiaeth Achos Estynedig** rhwng 1500 - 2000 o eiriau.
- **Rhan C: Asesiadau Arsylwedig Sgiliau Clinigol Uniongyrchol (DOCS)**
Rhaid i ymgeiswyr gael eu harsylwi arnynt yn arfer pob un o'r sgiliau clinigol gan dyst cofrestredig â'r cymwysterau a'r arbenigedd addas i arsylwi ar bob asesiad.
 - Arwain tîm wrth symud a chynorthwyo person o gadair olwyn i gadair ddeintyddol gan ddefnyddio unrhyw dechneg gynhaliol ddiogel.
 - Cyfranogi mewn senario efelychu argyfwng meddygol fel rhan o'r tîm mewn amgylchedd clinigol.
 - Rhoi cyngor iechyd y geg i berson y mae angen cymorth ychwanegol arno o ran hunanofal neu sy'n defnyddio ffurfiau amgen o gyfathrebu neu y mae ei arferion iechyd y geg angen eu haddasu.
 - Rhoi cyngor iechyd y geg i ofalwr person sydd angen cymorth ychwanegol o ran hunanofal neu y mae ei arferion iechyd y geg angen eu haddasu.

- **Rhan D: Deilliannau Atodol**

Rhaid i'r ymgeisydd eu cwblhau i safon foddhaol i ddangos gwybodaeth a dealltwriaeth o agweddau eraill ar nyrsio deintyddol gofal arbennig:

- Cwblhau asesiad risg ar gyfer codi a chario clinigol
- Cwblhau asesiad risg ar gyfer ymweliad cartref
- Ymarferiad ar sail Ymarfer Myfyriol
- Ymarferiad ar sail Ymchwilio i Gynhyrchion Iechyd y Geg
- Copi tystiedig o Dystysgrif gyfredol mewn cymorth Bywyd Sylfaenol gan gynnwys Diffibrilio Awtomataidd Allanol
- Copi tystiedig o Dystysgrif gyfredol mewn symud a thrin clinigol
- Adroddiad Adlewyrchol
- Cofnod o Ddatblygiad Proffesiynol Parhaus a Chynllun Datblygu Personol sy'n ymwneud â nyrsio deintyddol gofal arbennig.

Cyflawnir profiad ymarferol i gwblhau'r Cofnod Cymhwysedd yn eich gweithle gyda chymorth eich Goruchwyliwr Clinigol.

Goruchwyliwr Clinigol

Bydd angen Goruchwyliwr Clinigol ar nyrsys deintyddol yn y gweithle a fydd yn darparu cymorth ymarferol llawn, goruchwyliaeth a chynngor ochr yn ochr â chynorthwyo'r dysgwyr i fodloni HOLL ofynion y Cofnod Cymhwysedd NEBDN electronig.

Tystion

Gall Tystion yn y Gweithle (a all gynnwys DCP sy'n meddu ar dystysgrif Gofal Arbennig) hefyd ardystio sgiliau a chwblhau'r taflenni log electronig yn y Cofnod Cymhwysedd.

RHAID i Oruchwylwyr Clinigol a Thystion fod wedi'u cofrestru gyda'r GDC neu gorff proffesiynol cydnabyddedig.

Arholiad

Yn ogystal â chwblhau Cofnod Cymhwysedd NEBDN electronig i'r safon ofynnol, mae dysgwyr yn ymgymryd ag archwiliad NEBDN ar-lein i asesu gwybodaeth a dealltwriaeth sylfaenol o nyrsio deintyddol gofal arbennig.

Mae'r arholiad **90 munud** yn cynnwys:

- 45 Cwestiwn amlddewis (MCQ)
- 30 o gwestiynau paru estynedig (EMQ)

Mae cost y cwrs i'w gadarnhau ond bydd hyn yn cynnwys ffi'r arholiad a'r Cofnod Cymhwysedd NEBDN electronig. (Bydd y gost yn codi os bydd y ffioedd arholiad yn cynyddu).

Mae angen llenwi ffurflen gais cyn y gellir rhoi ymgeiswyr ar ein rhestr ar gyfer y cwrs nesaf.

Mae'r cwrs hwn a'r ffioedd yn agored i newid.